



Inatsisartut suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqutit:

1. Maniitsumi Kilaaseeqqap Atuarfiata nutaamik atuarfimmik taarserneqarluni sanasoqarnissaanut Naalakkersuisut aningaasaleeqataarusussuseqarnersut matumuuna apeqqutigaaara?

(Inatsisartunut ilaasortaq Paneeraq Olsen, Naleraq)

Tunngavilersuut:

Ulloq 25. oktober 2022 Maniitsumi atuarfik Kilaaseeqqami atuartut angajoqqaavisa sinniisaat Ilinniartitaarnermut, Kultureqarnermut, Timersornermut Ilageeqarnermullu Naalakkersuisumut susassaartunullu allakkat Inatsisartunut ilaasortatut tigunikuuakka.

Ilisimaneqarpoq kommunip atuarfeqarnermut ingerlatitsinermit sanaartornermullu akisussaaffik tigummineqartoq. Tamannalu pillugu Qeqqata Kommuniata Atuarfik Kilaaseeqqap iluarsaartuunna ingerlappaa.

Taamaattoq Atuarfiup Kilaaseeqqap oqummik annertuumik eqqorneqarnikuuvoq aammalu paasineqarnikullunilu asbest-eqartoq tamannali qanoq annertutiginersoq ilisimaneqarani. Taassuma saniatigut Atuarfik Kilaaseeqqap toqqavia uliguttartumiippoq, tassa kangerluup ilaa ujaqqanik nunniorneqarneratigut ilaatigut atuarfimmut toqqaviummat, ukiunilu kingullerni ulittarnerup qaffakkiartornerani, atuarfiup toqqavia angusalermagu naatsorsuutigineqarsinnaalluni isugutatsitsineratigut oquk annertusigaluttuinnartoq.

Atuarfiup Kilaaseeqqap nutaamik taarserneqarnissaanut Qeqqata Kommunია kisimiilluni aningaasatigut nammassinnaangimmagu pisariaqarpassippoq Naalakkersuisut Aningaasanut Inatsisitigut aningaasaleeqataasariaqarlersinnaaneri.

Ullut suliffiit qulit qaangiutsinnagit akineqarnissara kissaatigivara.